



Inuit Ataqtigiit Inatsisartuni
Inatsisartut
-/Maani

Suliat suliarineqartarnerat pillugu inatsimmi tunngavissat il. il. pillugit § 37 malillugu apeqqtunut nr. 264-imiittunut akissutit.

05-11-2015
Suliat normua 2015-117314
Allak. nr. 2051734

Naalakkersuisut ulloq 30. oktober 2015-imi suliat suliarineqartarnerat pillugu inatsimmi tunngavissat pillugit apeqqtunik, Inatsisartut suleriaasissaanni § 37 malillugu Inuit Ataqtigiit Inatsisartuniititaannit saqqummiunneqartunik, tigusaqarput. Apeqqtigineqartunut akissutikka § 37 malillugu apeqqtigineqartuni apeqqtit tulleriinnerini kinguliiniittuni atuarneqarsinnaapput.

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

- 1. Naalakkersuisut ivertinneqarnerminni Pisortat ingerlatsineranni suliasat suliarineqartarnerat pillugu inatsimmi tunngavigineqartunik nassuaanneqarpat, ingammik suliami qaqugukkut peqataasinnaannginnermi tunngasut? [Pisortat ingerlatsineranni suliasat suliarineqartarnerat pillugu Inatsisartut inatsisaat nr. 8, 13. juni 1994-imeersoq (kingusinerusukkut allannguutit ilanngullugit)]**

Akissut:

Apeqqtigineqartoq taamaanneraallunga akisinnaavara tassungalu uiggiullugu oqaatigissallugu Naalakkersuisut ivertitaanerminni inatsisunik pisariaqartinneqartunik tamanut atuuttunik il.il Naalakkersuisut sulinerannut pingaarutilinnik saqqummiivigineqarmata, taamatuttaaq suliat suliarineqartarnerat pillugu inatsimmik.

Naalakkersuisut tassunga atatillugu suliamut attuumassuteqarneq pissutigalugu peqataasinnaannginnermut immikkut malittarisassanik tunngavissanillu atuuttunik ilitsersorneqarput.

- 2. Naalakkersuisut isumaqataappat ima oqartoqartarneranut: Suliami peqataasinnaannginnermi malittarisassat qulakkiissavaat suliasami aalajangiinissap soqutigisanut tunnganngitsunit sunnerneqarnissaa. Sulianik attuumassuteqarpallaartoq aalajangeequsaanngilaq, aalajangiiner-nut ilaaqqusaanngilaq aammalu suliap suliarinerani ilaaqqusaanani. Apeqqtigineqartoq taamaallaat aap-imik imaluunniit naamik-mik akineqassaq.**

Akissut:

Naalakkersuisut saqqummiullugit oqaatigineqartut isumaqatigisinnaavaat, tassami suliamut peqataasinnaannginnerneq pillugu malittarisassat erseqqinnerusumik itisilernerneqarnissaannut suliat suliarineqartarnerat pillugu inatsimmi kapitali 2 innersuussutigisinnaagakku.

3. **Naalackersuisut ivertinneqarnerminni Inatsisartut inatsisaat nr. 6, 13. maj 1993-imeersoq inatsisartunut (Naalackersuisunut) ilaasortat akisussaannerat pillugu inatsit sammitinneqarsimava?**

Akissut:

Apeqquut 1-imut akissutinnut uiggiullugu apeqqutigineqartutut pisoqarsimane-rarlugu akisinnaavunga. Apeqqutip oqaasertaligaaneranut paatsuisoqaqqunagu oqaatigissavara Inatsisartut 2011-imi akuersissutigimmassuk Naalackersuisunut ilaasortat akisussaannerat pillugu inatsit imatut oqaasertaqassasoq: Naalackersuisunut ilaasortat akisussaannerat pillugu inatsisartut inatsisaat.

Tamakkua, Naalackersuisunut ilaasortat akisussaannerat pillugu inatsisartut inatsisaata, Naalackersuisunut ilaasortat akisussaannerat pillugu inatsisartut inatsisaata allanngortinnera pillugu Inatsisartut inatsisaat nr. 16, 22. november 2011-imeersutut akuersissutigineqartup, allannguutaanut allanut ilanngullugit, Naalackersuisut Naalackersuisunut ilaasortat akisussaannerat pillugu aalajangersakkanik saqqummiivigineqarnerannut ilaasimapput.

4. **Naalackersuisunut ilaasorta q akisussaatinneqarsinnaanngila suliami peqataasinnaannginnermi imaluunniit Naalackersuisut ilaasortat akisussaannerat pillugu inatsimmi aalajangersakkanik ilisimasaqanngikkuni?**

Akissut:

Inatsisinik atuuttunik ilisimasaqanngikkaluaraanniluunniit akisussaasariaqartarnek pillugu nalinginnaasumik tunngavigineqartartut malillugit akissutitut allakkanni allassinnaavunga malittarisassanit allassimasunut tunngatillugu tamanna soongunalimi Naalackersuisunut ilaasortanut taamatutaaq atuummat.

5. **Suut allannguutaappat avaleraasartoornermi piumasaqaatit atorfillit-tanit politikkikkut suliassanngorlugit tunniunneqartut kiisalu Naalackersuisut piumasaqaatit atuuttussat akuerineqartuni? Inaarutaasumik aalajangiisooqalersinnagu tamakku Naalackersuisunit allanngortinneqarnerannut suna pissutaava?**

Akissut:

Aallaqqaasiullugu apeqquut oqaaseqarfigissavara paatsuinermik pissuteqarsimassasorinarmat. Avaleraasartoorassissutinik agguaassisarnermut atugasarititaasut naalackersuisoqarfiup taamatut inuussutissarsiortunik oqaloqateqartareerluni naalackersuinermik sulialinnut suliarisai, allannguuteqartinnagit april 2015-imi Naalackersuisunit akuersissutigineqarput. Atugassarititaasut akuersissutigineqartut taakku taamaalimmat 2015-imi avaleraasartoorassinneqarnissamik qinnuteqaatit tiguneqartut suliarineqarnerannut tunngavigineqarput.

Naalackersuisoqarfiup avaleraasartoortassinneqarnissamik qinnuteqaatit Naalackersuisunit aalajangiullugit atugassarititaasut Deloittep pisortat ingerlatsinerannik kukkunersiulluni misissuinerani erseqqinnerusumik allaaserineqartut iluanni suliarai, taakkunani ilaatigut eqikkaasoqarluni pisassiisutunik agguaassineq agguaassinissamut atugassarititaasutut allassimasuni tunngavissat iluanni, tassami agguaassinissamut atugassarititaasutut allassimasut suliat suliarineqarnerannut atatillugu ilaannut atugassarititaasunik nasuiaatinillu itisilerinertaqarmata. Pisortat ingerlatsinerannik kukkunersiulluni misissuineranut atatillugu oqaatigineqarpoq atugassarititaasut ilaat allat nasuiaanerillu eqqarsaatigalugit sulianik suliarinnineq annertuumik piviusorsortumik naammassineqarsimasoq.

6. Ingerlatsinerannik kukkunersiulluni misissuinerani allaqqavoq "Salliuutit tullini (selskabit kalaallinit pigineqartut namminneq angallataateqanngitsut) sullissinerani arlalinnik unaminartorsiortitsisimapput, tunniussinissamut najoqqutassat ilaatigut ersernerluttortaqarmata taamalu naammattumik atorsinnaassusilimmik, eqqorluar-tumik kinaassusersiuungitsumillu najoqqutassiinissaq amigarsimalluni". Taamaattumik naalackersuisoqarfimmi sullissisut agguaassinissamut najoqqu-tassanik itisi-liisimapput najoqqutassat taakkulu qanoq paasineqarsinnaanerit ilasutitut suliarisimallugit. Najoqqutassanut ilassutit qanorlu paasisariaqarnerinut nassuiaatit qinnuteqartunit siusinnerusukkut ilisimaneqarsimangillat – taamaammallu qinnuteqartunik sullissinerani tamakkiisumik erseqqissuliornissaq amigaataasimavoq.

Suliap suliariniarnerani ersarluttoqarsimanera Naalackersuisut qanoq oqaaseqarfigisinnaavaat? Taamatut isornartorsiuneq isumaqatigineqarpa?

Akissut:

Aallaqqaasiullugu oqaatigineqarsinnaavoq Naalackersuisut 2015-imi avaleeraasartoortassiissutissanik agguaassisimaneq pillugu pisortat ingerlatsisimanerannik kukkunersiulluni misissuisimaneq iluarisimaarmassuk.

Aalisarnermut, Piniarnermut Nunalerinermullu Naalackersuisoqarfiup sulissutiginninneratigut misissuisoqarpoq, tassami tunngavissat pisortaqarfiup sulinermini malitassai misissorneqartariaqarmata, taamatutaaq naalackersuisoqarfiup inatsisit atuuttut pisortallu ingerlatsineranni ileqqusartut pitsaasut eqqortissimanerai.

Taamatut pisortat ingerlatsinerannik kukkunersiulluni misissuinikkut pisariaqartinneqartumik qulakkeerneqarpoq kukkunersiuisarneq pillugu inatsisini aalajangersakkat naapertorlugit pissutsit misissorneqarsimanersut, taamaalliluni arlaannaannulluunniit attuumassuteqanngitsunik pituttorsimangitsunillu misissuisoqarsimalluni.

Taamaammatt Naalackersuisut qularuteqaratik pisortat ingerlatsinerannik kukkunersiulluni misissuineq tusaatissatut tiguaat.

Naalackersuisoqarfimmi suliamik suliarinninnermut tunngatillugu pisortat ingerlatsinerannik kukkunersiulluni misissuinerani suliap suliarineqarnerani

ajornartorsiutit isorisariaqartullu arlallit tikkuarneqarput, suliat suliarineqarnissaasa siunissami pilersaarusiorneqartarnerannut kaammattuutunik malitseqartinneqartumik.

Suliat suliarineqarnerisa ingerlaneranni pissutsit malugineqartut misissuinerimi pingaartinneqarsimasut ilaattut misissuinerimi erseqqissarneqarput:

- suliat suliarineqarnerisa ingerlaasiisa takutikkaat aqutsinermut tunngavissat (siullertut aappaatullu pingaarnersiunerimi pisassiissutunik agguaassisarnermut pingaarnertut anguniagassat atugassarititaasullu) tamatigut naammattumik, tamakkiisumik erseqqissumillu qaffa-sissusilimmik agguaassisarnermut atugassarititaasut allatorneqarsimasut eqqarsaatigalugit nassuiaaserneqartarsimanngitsut.
- suliat suliarineqarnerisa ingerlaasiisa takutikkaat agguaassisarnermut atugassarititaasutut allatorneqarsimasut imarigaat oqariartaatsit soorlu "Tamategoortumik najukkamut aalaakkaaneq", "Annertuumik sinerissamut qanittumi aalisartunik peqataasoqarnera" taamatullu "Kalaallinik inuttanik ilinniartitsineq" annertunerusumik erseqqissasoqarnissaanik pisariaqalersitsisut. Tamakku tunngavigalugit misissuisimanerimi oqaatigineqarpoq agguaassisarnermut atugassarititaasutut allatorneqarsimasut taamaammat tamatigut suliarinissaat ajornakusoorsimasut, erseqqissuunatik piviusorsiorlunillu oqaasertalersugaanatik.
- Soqutigisaqartunut attaveqartarnek naammassimasoq eqqaassanngikkaanni agguaassisarnermut atugassarititaasut naammattumik erseqqissusilinnik oqaasertalersugaanerisa kingunerisaannik attaveqartarnerup amigaaateqarneri.
- suliat suliarineqarneranni ingerlaatsip takutikkaa qinnuteqaateqarnermut atortussat siunertamut naleqqunerusumik tamakkiisuunerusumillu oqaasertalersorneqarsimasariaqaraluarnerat. Taamaaliornikkut qinnuteqaateqartut taamatullu naalakkersuisoqarfiup qinnuteqaatinik takkussortunik naliliiniarlutik sulinerat ajornannginnerulersimassagaluarpq.
- atortussat pigineqartut - piginnittut pigisaannut uppernarsaatissat, sinerissamut qanittumut akuersissutit eqqaassanngikkaanni - illersorneqarsinnaasumik suliat suliarineqarnerisa naammassinissaannut naammassimasut.
- pisassiissutunik agguaassisoqartarsimasoq agguaassisarnermut atugassarititaasutut allatorneqarsimasunut killiliussat iluanni, tassami agguaassisarnermut atugassarititaasutut allatorneqarsimasut taamaattoq suliat suliarineqarnerannut atatillugu atugassarititaasut immikkuualuttortaannik nassuiaatinillu itisilerneqarsimallutik. Misissuinerimi naliliisoqarpoq sulianik suliarinninneq atugassarititaasut ilaannik nassuiaatinillu allanik eqqaamaniagaqarluni piviusorsiorluinnartumik naammassineqarsimasoq.
- piginnittut sinerissamut qanittumut akuersissutaataannut uppernarsaatissanik pissarsiniartoqarsimanngitsoq taamaammat atugassarititaasumik tamatuminnnga naammassinissimaneq pissusiviusutigut naliliivigineqarsimanani. Tamanna pitsaanngitsutut taaneqarpoq atugassarititaasutummi pingaarutilittut tamanna nassuiarneqarsimammat.

- allakkatigut itigartitsissutit nassiunneqarsimasut naammattumik tunngavilersugaasimangitsut, tamanna misissuinnermut tunngatillugu naammagittaalliutinut tiguneqartunut nassuiaatit ilagisinnaallugu.
- Naalackersuisoqarfimmiut aalisarnermik sulianut piginnaasaasa apeqqusernissaannut tunngavissaqanngitsaq, kisianni tamakku aalisarnermik sulianut piginnaasat ingerlatseqatigiiffiit piginnittoqarnermut aningaasaqarnermullu tunngatillugu ilusiligaanerannik paasinnissinnaanermut tapertalerneqarnissaat pisariaqarsinnaasoq.

Taamaamat pisortat ingerlatsinerannik kukkunerisuilluni misissuinnermi ilaatigut kaammattuutigineqarpoq:

- siunertamut naleqqunnerusumik ingerlaaseqalernissaq siunissami pilersaaruserneqartalissasoq, taamaalilluni qulakkeerneqassamat sukumiisumik sulianik suliarinninnissamat piffissaqartoqartalernissaa.
- qinnuteqaatinik tunniusseqqusisarneq pillugu atortussat suliarineqartalissasut, qinnuteqaatit suliarineqarnissaannut tulliuullugulu suliat suliarineqarnissaannut pitsaanerusunik tunngavissiisussanngorlugit.
- malittarisassatigut tunngavissat ilusilersorneqareeriarpata naalackersuinikkullu suliarineqareeriarpata inatsisit tamanik naligiissitsinerat taamatullu naammaginartumik eqqortumillu suliat suliarineqarsimanagerat taamatullu malittarisassatigut tunngavissat malinneqarsimanera malugissallugit pingaaruteqatorujussuuvoq.
- siunissami qulakkeerneqassasoq atugassarititaasut pisariaqartinneqartut tamarmik pisassiissutit agguanneqartarnerannut malittarisassatigut tunngavissani naalackersuinikkut akuersissutigineqarsimasuni allassimalernissaat.
- qinnuteqaatinik itigartitsinerit itigartitsinnermut tunngavilersuutaasunik pisariaqartinneqartunik imaqartassasut - taamatuttaaq pisassiissutit agguassinnermut atugassarititaasut suut naammassinneqarsimannginnerinik innersuussutit.

Tamakku saniatigut pisortat ingerlatsinerannik kukkunerisuilluni misissuinnermi eqikkaasoqarpoq ingerlaatsimi arlaleriarluni pisoqartarsimasoq tassami Aalisarnermut, Piniarnermut Nunalerinermullu Naalackersuisup suliamut attuumassuteqarnini pissutigalugu ajornartorsiuteqarnera taaneqartarsimasariaqaraluarimat aamma suliamut attuumassuteqarnermik pissuteqartumik ajornartorsiut paasineqarmat saaffigisassaq ingerlaannartumik taarserneqartariaqarsimagaluarimat. Peqatigitillugu erseqqissarneqarpoq imaassimarpasingimmat Aalisarnermut, Piniarnermut Nunalerinermullu Naalackersuisoq ingerlatseqatigiiffik KNT iluaquserniarlugu ingerlaatsimut sunniinarsimasoq – sunniinarsarisimasorluunniit. Tassunga atatillugu erseqqissarneqarpoq Naalackersuisup ilaquataasa ingerlatseqatigiiffimmut piginneqataassutaat annikitsuaaraannaammata (2,03 % piginneqataassutitut aningaasaatinit). Taamaamat ilaqutariinnut toqqaannartumik aningaasatigut pingaaruteqassusia killeqarluinnartutut isumaqarfiginarpoq. Taamaakkaluartoq nalilerneqarpoq qularutissaanngimmat pissutsit suliamut attuumassuteqarneq pissutigalugu peqataasinnaannginneq pillugu suliat suliarineqartarnerat pillugu inatsimmi malittarisassanut ilaammata.

Pisortat ingerlatsinerannik kukknersuilluni misissuinermi oqaaseqaatit taakkut-
taaq Naalakkersuisunit tusaatissatut tiguneqarput.

Naalakkersuisut pisortat ingerlatsinerannik kukknersuilluni misissuinermi nali-
lersuinermit kaammattuutigineqartunullu ilassutissaqanngillat. Taamaammat
Aalisarnermut, Piniarnermut Nunalerinermullu Naalakkersuisoq isumaqatigiissu-
teqarfigaara piaarnerpaamik iliuusissanut pilersaarummik aalajangersaa-
soqassasoq naammassinnittoqassasorlu tassuuna qulakkeerlugu avaleraa-
sartoortassiissutinik agguaassisarnermik suliassat siunissami piareersar-
neqartassasut isornartorsiutitut saqqummiunneqartut akuersaarlugit taamatullu
kaammattuutit pisortat ingerlatsinerannik kukknersuilluni misissuisimanermit
takuneqarsinnaasut naapertorlugit.

Taamatut oqaaseqaateqarlunga neriuppunga Inuit Ataqtigiit Inatsisartuniititaasa
akissutigineqartut naammagisimaassagaat.

Inussiarnersumik inuulluaqqusillunga

Med venlig hilsen



Kim Kielsen